


# Háteigur



19. árgangur 8. tbl.

VIRÐING – SAMVINNA – VELLÍÐAN

30. september 2015

## Starfsdagur 7. og foreldraviðtöl 13. október

<http://hateigsskoli.is>

### Frá skólustjóra

Ágætu lesendur

Pistillinn er skrifaður í kjölfar fjölmiðlaumræðu um skólann og magaboli. Það er mikilvægt að fjalla um viðeigandi klæðnað í skóla sem og annars staðar þar sem fólk kemur saman.

Í apríl í vor 2015 breytti Samfés (Samtök félagsmiðstöðva unglinga) reglum sínum um klæðaburð sem verið höfðu í gildi á samkomum síðan 2011. Reglurnar höfðu unglíngarnir sjálfir sett á sínum tíma og voru svona:

*„1. Ef klæðast á kjól eða pilsu sem nær EKKI niður fyrir hné skal klæðast lituðum sokkabuxum eða leggins sem ná niður á ökkla (s.s. hjólabuxur ekki í lagi). 2. Varast skal að klæðast of flegnum bolum eða kjólum. 3. Ekki er leyfilegt að vera með skyrtur alveg fráhnepptar né að vera ber að ofan.“*

Í staðinn fyrir reglurnar kemur eftirfarandi yfirlýsing frá apríl í vor:

*„Unglingum er treystandi til þess að dæma hvaða klæðnaður sé viðeigandi og mælt er með því að hver og einn klæði sig af virðingu við sjálfa(n) sig. Foreldrar og starfsfólk eru hvött til halda þessari umræðu á lofti.“*

Hér í skólanum höfðu kennarar lýst áhyggjum af því að nokkrir nemendur væru ekki í klæðnaði sem hæfði skólaumhverfinu og höfðu þeir vakið athygli okkar stjórnenda á því. Kennarar eiga að ræða við einstaka nemendur ef þeim finnst að klæðnaður þeirra sé ekki við hæfi. Hafi kennari eða starfsmaður sært eitthvert barn í skólanum með athugasemdum sínum um klæðnað þykir okkur það afar miður og biðjumst afsökunar á því.

Óróleiki skapaðist í skólanum föstudaginn 25. september vegna þessa máls og þótti okkur þá edlilegast að setja málið í lýðræðislegan umræðufarveg sem það er í núna. Við ætlum að ræða það í skólaráðinu og í framhaldinu eins og verkast vill í skólanum, í starfsmannahópnum og með nemendum. Ég vil ítreka að engar reglur eru í skólanum um fatnað aðrar en þær sem koma fram á bls.

31 í handbók foreldra og nemenda þar sem segir að foreldrar þurfi að athuga að haga klæðnaði barna sinna eftir veðri því að þau eigi að fara út í frímínútur. Hvorki skólustjóri né aðstoðarskólustjóri hafa gefið út reglur eða gefið fyrirmæli um klæðnað og að sjálfsögðu heldur ekki gefið út viðurlög við slíkum reglum.

Ásgeir Beinteinsson,  
skólustjóri Háteigsskóla.

### Starfsdagur, foreldraviðtöl og haustfrí

Miðvikudaginn 7. október verður starfsdagur í Háteigsskóla. Daginn nota kennarar til að undirbúa sig fyrir foreldraviðtöl sem verða þriðjudaginn 13. október. Nemendur í 5. – 10. bekk mæta í viðtölin með foreldrum sínum. Haustfrí verður síðan 23., 26. og 27. október.

### Ókeypis skákæfingar

Áhugasamir nemendur geta komið í Háteigsskóla og æft sig í að tefla í stofu A-203 á fimmtudögum kl. 16 – 17. Æfingarnar eru undir handleiðslu Kjartans Maack, sem er áhugasamur faðir hér í skólanum. Einnig er bent á æfingar á laugardögum hjá Taflfélagi Reykjavíkur. Nánari upplýsingar er hægt að fá á Fésbókarsíðunni „Skák í Háteigsskóla“ sem Kjartan og Lenka Ptacnikova sjá um.

### Frá foreldrafélagi Háteigsskóla

Aðalfundur félagsins var haldinn miðvikudaginn 23. september sl.

Fundurinn gekk vel og stjórn foreldrafélagsins veturinn 2015-2016 verður skipuð þannig:

Eydís Njarðardóttir, formaður, Margrét Halldórsdóttir, varaformaður, Axel Nikulásson, gjaldkeri, Jón Björn Ólafsson, ritari og Kristín Vala Erlendsdóttir, meðstjórnandi.

Varamenn eru: María Hjaltalín, Krístrún Pétursdóttir, Rósa Erlingsdóttir og Þórhildur Ögn Jónsdóttir.

Skoðunarmaður reikninga er Ingólfur Björnsson.

Axel og Rósa verða áfram fulltrúar foreldra í skólaráði.

## Stóri grænmetisdagurinn

Fimmtudaginn 10. september héldu 4. bekkingar stóra grænmetisdaginn. Þá var skólasystkinum boðið að koma í heimsókn og fá að smakka á gómsætu grænmeti, bæði hráu og elduðu. 4. bekkingar fræddu einnig gesti sína á næringargildi og hollustu grænmetisins sem þeir buðu upp á. Að vanda sá Erna heimilisfræðikennari um undirbúninginn ásamt Hlín og Berki, umsjónarkennurum og lúliönu stuðningsfulltrúa. Þetta var glæsilegt hjá 4. bekk og þakka gestir kærlega fyrir sig.

## Gídeonfélagið á Íslandi gefur 5. bekkjum eintak af Nýja testamentinu

Fimmtudaginn 8. október kl. 14:30 til 15:00 verða félagar í Gídeonfélaginu staddir í stofu A 201 í Háteigsskóla og afhenda gjöf sína.

Þeir foreldrar sem vilja þiggja þessa gjöf fyrir hönd barna sinna geta sagt börnunum að þau geti sótt gjöfina eftir lok skóladags.

## Kynningarfundir

Dagana 7. – 14. september voru kynningarfundir fyrir foreldra nemenda. Mæting foreldra var góð og sköpuðust góðar og gagnlegar umræður. Ýmsar fyrirspurnir komu fram og var sumum svarað strax en aðrar fóru í nánari athugun. Á kynningarfundunum voru valdir bekkjarfulltrúar og verður starf foreldranna vonandi kröftugt og gott í vetur. Handbók foreldra og nemenda var afhent, en send heim til þeirra sem gátu ekki mætt.

## Má ég vera memm?

10. september barst skólanum vegleg bókagjöf þegar Harpa Lúthersdóttir höfundur bókarinnar, "Má ég vera memm?" heimsótti skólann og færði honum bekkjarsett af bókinni.

Bókin, "Má ég vera memm?", fjallar um einelti. Það er mikill fengur að þessari bók því að hún vekur nemendur til umhugsunar og umræðna um mikilvægt mál sem ætíð þarf að vera á dagskrá. Bókin er einstaklega fallega myndskreytt.

Við þökkum höfundi innilega fyrir bækurnar sem munu koma að góðum notum við að bæta samskipti nemenda.

Ásgeir Beinteinsson, skólastjóri

## Stelpur filma

Dagana 14. – 17. september var haldið námskeið í kvikmyndagerð. Námskeiðið sem var í Norræna húsinu var samstarfsverkefni Reykjavíkurborgar og kvikmynda-hátíðarinnar RIFF. 6 stúlkur úr 9. bekk sóttu þetta námskeið, þar sem þátttakendur fengu kennslu í kvikmynda-læsi og fræðslu um ýmsar hliðar kvikmyndagerðar og jafnréttisstarfs. Námskeiðið er liður í því að rétta af þá kynjaskekkju sem er í kvikmyndagerð á Íslandi. Margir samverkandi þættir gera það að verkum að stelpur eru ólíklegri til að prófa sig áfram í kvikmyndagerð og láta rödd sína heyrast. Með Stelpur filma! er stuðlað að því að leiðrétta þennan kynjahalla með því að bjóða upp á rými þar sem stelpur er hvattar til kvikmyndagerðar með því að fá næði til að þroska sína hæfileika og mynda tengsl við kvenkyns fyrirmyndir. Kvikmyndirnar verða svo sýndar fyrir almenning í Norræna húsinu 3. og 4. október.

## Menningarmót

Þriðjudaginn 29. september, var haldið menningarmót í 5. bekk. Nemendur hófu mótið á því að kynna menningu sína með fjölbreyttum skemmtiatriðum og síðan dreifðu foreldrar sér við borðin þar sem nemendur sátu og kynntu sín áhugamál eða bakgrunn.

Nokkrir tékkneskir kennarar voru líka viðstaddir til að kynna sér þetta verkefni.

Undirbúningi stýrðu kennararnir Ragnheiður V. Sigtryggsdóttir, Guðfinna Hákonardóttir og Guðrún Matthíasdóttir.

Þetta er áttunda menningarmótið sem haldið er í Háteigsskóla. Verkefnið, eða kennsluáðferðin, er samstarfsverkefni skólans og Borgarbókasafnsins en nú höldum við mótið ein og óstudd án aðstoðar safnsins í fyrsta sinn.

Háteigsskóli er fjölmenningslegur skóli í mörgum skilningi. Einn skilningurinn er t.d. sá að í þessum árgangi tala nemendurnir 15 tungumál. Það er dýrmætt að kunna tungumál. Þau víkka sjóndeildarhringinn og fá okkur til þess að sjá hlutina frá ólíkum sjónarhornum. Manneskja sem hefur vald á mörgum tungumálum er fjársjóður. Samfélag ólíkra einstaklinga sem tala fjölbreytt tungumál er ríkt.

Menning er mun meira en tungumál og uppruni. Við eigum öll að vera stolt af okkar uppruna, menningu og menningararfi. Fjölbreytt menning er fjársjóður. Góð samskipti þvert á menningu og tungumál geta skipt sköpum í nútíma samfélagi.

Við í Háteigsskóla leggjum áherslu á að mennta skapandi og hugsandi fólk sem þekkir sjálft sig og skilur umheiminn.

- Það gerum við meðal annars með því að efla ólík tjáningarform.
- Það gerum við meðal annars með lifandi kennslu.
- Það gerum við meðal annars með því að halda menningarmót.

Til hamingju með glæsilegt menningarmót, 5. bekkingar!

Ragnheiður Valgerður Sigtryggsdóttir

## Góðir gestir

Við höfum fengið nokkra góða gesti í skólann undanfarið.

15. september heimsóttu norskir skólastjórar Háteigsskóla. Ásgeir skólastjóri tók á móti þeim og sýndi þeim skólann og starfið hér. Eins og áður mátti sjá frábært starf nemenda á öllum aldri.

Mánudaginn 21. september hélt Dagur Eggertsson borgarstjóri fund hér í skólanum með sviðsstjórum borgarinnar. Að fundi loknum gekk hann um skólann og kynnti sér starfið hér. Börnin voru mjög spennt yfir heimsókninni.

Fimmtudaginn 24. september komu nokkrir menntaskólalæmarnir frá Danmörku. Þeir unnu verkefni með 8. og 9. bekkjum hér. Þetta er ferðalag og kynnisferð til Íslands með námslegu ívafi. Verkefnin gengu einstaklega vel og voru öllum til gleði og ánægju.

## Sigursælir 6. bekkingar

Grunnskólámót í frjálsum íþróttum var haldið í Laugardalshöll 1. september sl. Þar fer fram keppni á hverju hausti í 6., 7. og 8. bekk og fóru leikar þannig nú í haust að nemendur 6. bekkja Háteigsskóla urðu stigahæstir. Freyr Ólafsson þjálfari heimsótti okkur 17. september og afhentu keppendum veglegan bikar. Niðurstöður keppnisgreina er hægt að sjá á heimasíðu Frjálsíþróttasambands Íslands.

Innilegar hamingjuóskir með árangurinn, 6. bekkingar!

